



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

LXXII. Markgraf Johann belehnt Henning von Kockede, Bürger zu Tangermünde, mit von ihm erkauften Besitzungen, am 21. März 1434.

Nutzungsbedingungen

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

ferm anhangenden Inſigel verſigelt, Geben zu Tangermunde, am mittwochen nach Egidii, Anno M°. CCCC°. XXXIII°.

Nach dem Copialbuche des Markgrafen Johann, f. 53.

LXXII. Markgraf Johann belehnt Henning von Kokede, Bürger zu Tangermünde, mit von ihm erkaufte Befizungen, am 21. März 1434.

Wir Johans, von gots gnaden Marggraue zu Brandenburg vnd Burggraue zu Nuremberg etc., Bekennen offentlichen mit dieſem brieffe für allermeniglich, das wir dem Erfamen vnſerm lieben getruwen henninghe von kokeden, purger zu Tangermunde, zu einem rechtem manlehen-geliehn haben dieſe hienachgeſchrieben guter, ierlich czinſe vnd renthe, mit namen in dem dorſſe Sanne czwen houe, das gericht über die houe, mit ackern, geholzen, wiefen, weiden, diſten, das dritteteil an dem kirchlehne vnd an dem ſchulzen gericht zu Sannen vnd ſunſt mit allen vnd iglichen freiheiten, zugehorungen, gar nichts aufgenommen; Item die houe, acker, weide, wiſche, holze, gericht, dienſt vnd alles, das do ligt vnd gehort in vnd zu dem dorſſe vnd auff der veltmarcken zu leuemade drittehalbe hube vnd ſunſt mit allen vnd iglichen zugehorungen, friheiten vnd gerechtigkeiten, gar nichts aufgenommen, Als das Albrecht Ringerflaghe Elliche czyt Innen gehabt, beſeſſen vnd genoſſen, der das dem gnanten henninge verkoufft vnd vor vnſerm houbtman haſſen von bredowen, Rittern, verlaſſen hod. Auch hott der gnante henning zcuſpruch vnd gerechtikeit von Achim von Scymen gekoufft, die Er meinte zu den houen, dorſſern vnd obgeſchrieben gutern zu haben, So das Achim der genclichen vor vnſern houbtman haſſen von bredow, Ritter, abegetreten iſt, die vorlaſſen vnd in des gnanten haſſen vnd der Ratmann von Tangermunde geinwurtikeit ein Orpheide zum heiligen getan vnd ſich auch des in ſeinem brieffe vorſchrieben heil: vnd wir vorliehen dem gnanten henninghe von kokeden dieſe obgeſchrieben houe zu Sanne vnd drittehalbe hube zu gleuemed (ſic), mit allen obgeſchrieben zugehorungen, freiheiten vnd gerechtikeiten zu einem rechten manlehen etc. — vnd Geben In des zu einem Inweiſzer den Erfamen vntzern Rat vnd lieben getruwen hannſen Grieper. Zcu vrkunde mit vnſen anhangenden Inſigel vorſigelt vnd geben zu Tangermunde, am heiligen palmtage, Nach vnſers hern geburte vierzehnhundert Jar vnd dornach In dem viervndreißigſten Jaren.

R. Hans Griper.

Nach dem Churmärk. Lehnscopialbuche XVI, 104.